



18. maj 2011

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

Naalakkersuisunut apeqquq meeqqanik kinguaassiutitigut atornerluisoqarsimatillugu suliat qanganitsertinneqartarnerisa atorunnaarsinnissaat pillugu.

(Inatsisartuni ilaasortaqaq Astrid Fleischer Rex, Demokraatit)

Tunngavilersuut

Meeqqanik kinguaassiutitigut atornerluisoqarsimatillugu suliat qanganitsertinneqartarnerisa atorunnaarsinnissaat pillugu apeqquqteqaatinnut ulloq 6. maj 2011 akissutissinnut qujanaq. Akissutissi pissutissaqartilerpaannga apereqqinnissannut aammalu itisileeqqusinissannut.

1. Naalakkersuisut akissutiminni allapput danskit naalakkersuisuinnut saaffiginnissimanatik. Ersarilluinnartumik akeqquvunga (aappi naamilluunniit) 1. august 2011 tikitsinnagu saaffiginninnissarsi eqqarsaatiginerissi.

2. Naalakkersuisut akissutiminni imatut allapput:

”Aamma ilisimatitsissutigineqassaaq Kalaallit Nunaanni pinerluttaalisitsinermut Inatsit nutaaq naapertorlugu suliani kinguaassiutitigut atornerluisimanernut tunngatillugu saqqummiussinissat killeqartinneqanngimmata. Nalilerneqartartussaavoq pisoq ima qanganitsersimatiginersaq pineqaatissiinissaq tunngavissaqarani”.

Akissut tamanna naammaginngilluinnarpara. Akissummi paasivara, suliakkiisoqanngitsoortartoq unnerluussisup qularippagu, pineqaatissiisoqarsinnaassanersoq. Isumaqarpunga meeqqanut kinguaassiutitigut kanngutsaattuliortoqarsimappat taava unnerluussisoqartariaqartoq pisoq qanorluunniit qanganisaatigigaluarpat aamma qanorluunniit tunngavissarsiorluni nalilersuisoqarsimatigigaluarpalluunniit. Naalakkersuisut qanoq isumaqarpat?



3. Naalackersuisut nuna tamakkerlugu iliuusissanut- aamma pinaveersimatitsinissamullu pilersaaruteqarpat siunertaralugu kinguaassiutitigut pinerluttaalisitsinissaq aamma inoqatinut ulorianartorsiortitsisinnaasumik pissusilersortarneq pillugu? Taamaangippat Naalackersuisut qinnuigaakka tamanna nassuiaqqullugu kiisalu pilersaarutigineqarnerseq pineqartut pillugit pilersaarusiortoqarnissaa?

Apeqqut akeqquneqarpoq piffissarititaasut ullut sulliviit nalignnaasut qulit iluanni.